




B R E V I S
E T S V P P L E X
A D H O R T A T I O
A D
R E G E M
C H R I S T I A N I S S I M V M .

*Pro finiendo controversia Ianseniana negotio,
per legitimum, de quatuor Episcopis summo
Pontifici parere recusantibus, iudicium.*



I C E T ea sit meritorum tuo-
rum magnitudo, Rex poten-
tissime, quam nulla compre-
hendat oratio; vnum tamen in
præsentia dici potest de Te planè di-
gnum Tui, religionis incolumitatem ita
jam contineri tua, vt Iansenianis hujus



hostibus præcipuis conduceret, si minus fortunatè regnares. Sic enim iudiciorum tuorum sanctitate fregisti conatus omnes conjurationis istius, ut prorsus dissipata esset, nisi paucissimorum hominum contumacia causæ tam deploratæ miserabiles reliquias sustentaret. Quapropter tuæ æquitatis est videre, ne quam tibi gloriosum fuit Religionem ab eo exitio liberare cœpisse, tam parum justum sit eandem prope modum liberatam deserere velle. Nam vix poterit credere posteritas Te, cuius magnitudinem reformidat orbis terrarum vniuersus, superari potuisse pertinacia trium vel quatuor Episcoporum, qui vix censerentur inter Cleri gregarios, si spectaretur meritum litterarum, quod vnum spectari deberet in præsentī negotio. Sed quia res non modo pertinet ad impetij tui vastationem, sed etiam ad everisionem Religionis, dignaque proinde sit tuis auribus, tuoque tribunali: patere ut breviter tibi repræsentem gravitatem causæ totius, in describenda serie istius conjurationis: ne dum descendis ad infima quæque per Regni partes

omnes, quæ situ temporis dilapsa fuerant, restituenda, providesque tam sapienter emendandæ rerum administrationi; negligas Religionem, per quam constant cætera, suoque in ordine continentur.

Ante triginta annos & amplius, orta est factio tuo in Regno, quæ ducem habuit Cornelium Iansenium, virum de omnibus Franci nominis hostibus, sine controversia, bene meritum; qui pro parando Episcopatu, quem obtinuit, dedit operam linguæ maledicentissimæ turpissimo quæstui, & scripto omnium, quæ tulit hæc ætas, atrocissimo Regum nostrorum majestatem proscindere non dubitavit. Is egregij consilij sui participem & socium habuit Ioannem Vergerium Abbatem San - Cygiranum, hominem, si æstimetur de litteris quas scripsit & quæ extant, atra bili percito, fanaticoque similiorem, quam Religionis emendatori, qualem credi se volebat per suos; hisque adeo moribus, ut apparet, hujus societatis & partium earum plane dignum.

Sed pro excusanda ignominia origi-

*Mars Gallicus editus à
Cornel. Iansf.
ad an. 1633.*

nis istius, quæsitus color nitorque fuca-
 us ab elegantia sermonis, cuius amans
 est supra cæteras gens nostra; quæ ut
 comis & elegans est, civilibus ijs vir-
 banitatis delitijs capi solet imprimis.
 Spargebatur venenum illud per Urbem
 & Provincias: & tam suavi visco per-
 ingenij naturalem imbecillitatem ad-
 hæerere cœperunt omnium primæ curio-
 sæ mulieres, juvenesque polituli, qui
 quærebant famam & opinionem inge-
 niosorum. Nam supra reliquas hæreses,
 habuit hæc singulare id & eximium ad
 imponendum spectantibus, quod per
 politos & elegantes viros sparsa sit:
 cum cæteræ profectæ sint ut plurimum,
 è Cœnobiorum squallore & sordibus:
 & interdum per spissos admodum
 pinguesque Monachos prædicatæ.

Gerebatur autem res omnis studio &
 ambitu factionis, assentationibusque
 apud optimates infinitis: multa tamen,
 pro multitudine demerenda, disputa-
 bantur per circulos à Conjuratis de
 veteris disciplinæ severitate, quæ com-
 mendabatur verbis elegantibus, in con-
 spectu frequentia, per doctores suspirio-

fos, qui dabant operam conscientiarum moderationi : & quod non poterat fides & autoritas, obtinebant adulationes & blanditiæ. Iactabantur interea miri rumores de nova doctrina per civitatem, cui privatim plaudebatur per familias : tubam hanc pleno ore, fortibusque oculis inflabant strenue primi duces, faciebantque per præcones conductitios, ut grata admurmuratione faventium, & admirationibus præparatis circuli personarent.

Adjuvabat iniquitatem causæ tam suspectæ languor authoritatis, quæ tum erat, Te per ætatem nondum regnante, tenuis ipsiusque administrationis imbecillitas : & per eam confusionem rerum clamore factiosorum, nobiliumque fœminarum insana credulitate propagabatur in dies ea novitas, quæ sensum gliscebatur etiam inter Sorbonicos, partim seniorum fœcordia, partim audacia studioque juniorum, qui Sanctabovio partium earum Theologo adhærebant. Erat autem tum frequens in ore Conjuratorum Iprensensis Episcopi tanquam viri incomparabilis

famosum nomen , quod confunde-
batur cum Augustino. Non deerat autem
solertia scite prædicandi per oratores
delicatulos ad populum novi dogma-
tis, quod ultro sequebatur fides & ad-
miratio simplicium : circumferebantur
per domos exquisitæ scriptiones ; man-
datique typis elegantioribus libri, pro
replenda scena, cui potissimum servie-
batur per histriones tam exercitados :
& nihil prætermittebatur artium earum,
quibus captari poterat favor popularis
à Sectatoribus, & novitati curiosæ
conciliari.

Quia tamen lentum videbatur rem
gerere per scripta & sermones, de bello
cogitari cœptum. Nam fortunæ melioris
spem ostendebant factioni exempla su-
periorum temporum, quibus per ignem
& ferrum Lutherus & Calvinus doctri-
nam suam tam commodè populis per-
suaserant : consideratum, ubi ratio non
valeret, temeritati confidendum : con-
fusione rerum ac tumultu præparandos
animos, ad fidem ei novitati quæ affe-
rebatur, obtinendam. Ardebat tum
bello civili Regnum univèrsum : confu-

sam repentino tuo ad Sangermanum secessu Civitatem armaverat trepidatio: occasio videbatur idonea Factionis, ut immiscerent se eimbo, qui conflabatur.

Erant ex ea factione, qui principi Contio, ad quem per id tempus in Vrbe redierat summa rerum, quoties veniret in Senatum, veniebat autem quotidie, suffragia, opes, fortunas, suaeque omnia promitterent, pro turbandis rebus: quod ab eo saepenumero memoratum. Ipse Gasto Aurelianensis Dux, avunculus tuus, non semel à suis dicere auditus, dum viveret, in ea temporum atrocitate duodecim millia hominum armatorum sibi, cum iusto stipendio, saepe oblata per Conjuratos, pro bello tibi movendo. Quæ conjurationis contra Statum occultæ suspicio non parum labefactavit in Aula causam illam: postquam cognitum est belli facem per eos ventilari, concitarique animos populorum contra Regni administrationem, quam partibus suis non putabant æquam ac favorabilem.

Postquam autem à motibus ijs respirari coëptum pro abolenda factione,

quæ Religioni imminebat, ad Sedem Apostolicam provocatum. Episcopi supra centum scripserunt ad summum Pontificem, vt de quinque propositionibus ab Augustino Iprensi excerptis ad se referri vellet : de quibus serio & mature ab eo deliberatum : patienter auditi, super agitata re, factionis oratores : & responsione meditatissima, ne festinatio rei tam gravis pateret obtretationi, iudicium contra eas, per Innocentium decimum primo, tum per Alexandrum septimum pronunciatum : controversiæ totius definitio per totum orbem Christianum recepta: audita vox summi Pastoris ab ovili vniuerso, tanquam oraculum certissimum.

Fregit ad tempus animos Conjuratorum hæc clades : qui postquam se collegerunt, quod fieri solet à desperatis, multa clam mussitarunt per metum contra Censuram fractis & inanibus minis : mox jactatæ per circulos partium contra Sedem Apostolicam factiosæ voces : sparsique sermones maledici de Innocentio : neque parcitum religionis ipsius majestati, quæ mimicis artibus petebatur

petebatur per summum ludibrium. Quod si nihil attinebat id ad Iprensensem Episcopum, qui per eam Censuram non notabatur, ut erat rumor inter illos, quid erat causæ cur sic æstuarent? cur enim non se componebant ad silentium & modestiam, si iudicium id non ad eos spectabat? In quo non possum, Rex optime, quin te moneam, quam sine causa efferebat eos animi sui impotentia: qui ne pateretur injuriam liber ab Auctore suo repudiatus, si quid haberet parum consentaneum Sedi Apostolicæ, ipsam Apostolicam Sedem omni injuria temerare non dubitarunt. Nam quæ scripta fuerant per Hæreticos præteritorum temporum contra Sedem Romanam, diligenter & accurate collegerunt. Quibus cum bonorum animos offendi sentirent, post Alexandri Censuram visum est consilio Regioportuensi artes quæri oportere minus furiosas, quibus partim nugando, partim implorando fidem publicam, infringere vim totam iudicii Pontificij, cujus obnunciatione tam graui iterum verberabantur. Postquam enim de quinque propositionibus pro-

scriptis per viginti annos & ampliùs, per Doctores tam multos in tot Aca-
demijs fuisset disputatum, totiesque de-
liberatum in Tribunalibus, forensibusque
judicijs, negari cœptum vllam vnquam
de ijs factam mentionem ab Iprensi
Episcopo. Itaque cum nihil esset præ-
ter audaciam, quo perditam causam
tuerentur Corneliani, ad temeritatem
tanquam ad supremam in eo naufragio
tabulam confugerunt: & vt constaret sua
fides mendacio tam impudenti, negarunt
vllum extare in Augustino Iprensi quin-
que propositionum vestigium ea confi-
dentia, quæ vinceret frontem omnium
audaciarũ. Sic quod antea non poterant
asserere saluo pudore, per importunita-
tem præfidentissimæ asseuerationis impe-
trarunt ab imperitis, vt damnatas propo-
sitiones, extare apud Iansenium non cre-
derent. In quo veniam vix obtinere po-
terit apud posteros ætatis nostræ stupor
incredibilis, quæ sibi turpiter illudi pas-
sa sit per tam pinguem imposturam.
Quod, credo, nunquam fieri potuisset,
nisi pro vlciscenda temporum nostro-
rum corruptione, permisisset Deus, vt

aures nostræ fierent adeò miseræ, quæ circulatorum eorum fabulis assuescerent, & errori sic addicerentur, ut major fides haberetur oculis paucissimorum hominum priuatorum, quam cæteris totius orbis terrarum Sapientibus.

Quis enim erit aliquando, qui credat ætati nostræ cæteroquin non prorsus hebeti ac stupidæ potuisse persuaderi Doctrinam, quæ Iprensis Augustini primum & quasi capitale argumentum est, proindeque sparsam per contextum omnem amplissimi hujus operis, quæ per decem annos & amplius totis voluminibus defensa per Conjuratos; pro qua tuenda missi Romam Oratores, factique sumptus immensi; de qua habitæ per omnem Europam quæstiones, deliberationesque infinitæ; quam Tu ipse, Rex maxime, authoritatis tuæ pondere oppressam, in tuo judiciali Regno semel & iterum proscripisti; contra quam tot latæ Leges, tot pronuntiata per omne Regnum decreta; quam damnarunt verbis conceptissimis duo Summi Pontifices; eam denique Doctrinam, pro qua abolenda tot graues, con-

siderati, sapientesque viri tantopere laborarunt, somniantis & imaginosa mentis alicujus inane esse commentum, grandemque fabulam nostræ ætatis? Quis adeo hebes & rudis subuleus, quæ mulier ipso de grege cetariarum adeo vilis ac sordida, aut quæ anicula tam levis erit vnquam, quæ per obesitatem animi sibi persuaderi sinat absurditatem tam incredibilem?

An erimus autem deinceps ita vani, vt exquisitissimum delicatissimæ ætatis nostræ in intelligendo, judicandoque gustum supra præteritas memorare non vereamur, qui in luce tam aperta sic hæsitemus? Nisi fortè credulitatis tam projectæ leuitatem numerari malimus inter monstra nostræ ætatis. At si sint in Iansenio propositiones, vt esse perhibentur, cur non demonstrantur digito? cur fides oculorum non imploratur? Vtinam oculi esse possent, qui patere vellent in re tam manifesta, & ab omni præjudicio liberari. At persuasum tam multis nullum earum extare vestigium apud Iansenium; quasi verò graue debeat esse iudicium multitudinis, quam

cæcitas opprimit & ignorantia. At ita judicatum à plerisque è Sorbona Doctoribus: quid mirum, si partium varietatem, quæ tanta est in eo ordine, sequatur varietas & confusio judiciorum?

Nihil dico, Rex optime, de cæteris vel Optimatibus, vel Episcopis, vel Doctoribus, qui in re tam clara configi sibi oculos cætenus passi sunt, quatenus se prius volutauerant in cæno Regioportuensi. Certè si quæ cura fuisset Conjuratis, non dico veritatis, aut conscientiæ, sed vel modestiæ, vel honestatis alicujus, nunquã esse potuissent ita inuerecundi, ut quod erat in oculis omnium, patentiſſimaque luce, negare sustinerent. Nam pari jure Socinianus aliquis, Filium Dei venisse in hunc mundum, ut redimeret hominem perditum, negare posset ex ipso Euangelio, quòd in eo non habeatur expressa series verborum istorum: cum tamen re ipsa nullum aliud Evangelij sit institutum.

Sed nulla re magis apparuit mala fides Conjuratorum in ea parte, quam summo candore Paschali, partium earum inscribendo facile principis. Cum enim

fuisset is pridem imbutus mysterijs re-
 conditionibus sectæ hujus, persuasum-
 que pridem haberet propositiones; quæ
 disputabantur, ex Augustino Iprensi
 esse promptas; patienter ferre non po-
 tuit, negari tam præfracte, quod erat
 antea receptum inter socios, sumptas ex
 Augustino Iprensi quinque proposi-
 tiones: quod, ut erat excelsi simplicisque
 animi, nunquam induci potuit à suis,
 ut negaret ipse. Immo cum malam fi-
 dem suorum pati non posset, scripsit
 contra prævaricationem tam apertam:
 & cum esset in extremis, scriptum de-
 posuit in fidem sororis suæ, quod vul-
 garet, si negare pergerent quæ per tot
 annos tenuerant, ut Censuram elude-
 rent. Potest consuli super ea re candor
 mulieris, quæ redijt in patriam ab aliquo
 tempore, postquam per duos annos & am-
 pliùs frustrà in vrbe expectasset, donec
 res Ianseniana restitueretur, ut sibi impo-
 ni sinebat. Fuscè demonstrabat eo scripto
 Paschalius propositiones damnatas ger-
 manam Iansenij esse doctrinam; quam
 tuebatur ipse nimis candide: quæ causa
 fuit, cur de illo, ejusque supremo mor-

bo multa secùs differri cœperint per
Conjuratos.

Sed, quod valdè conducebat causæ isti,
vt persuaderent omnibus paratos se ob-
temperare Summo Pontifici, ne habe-
rentur pro desertoribus, in eo sic labo-
rarunt, quasi pro scena personam gere-
rent : nunquam Comœdia acta pul-
chrius : in distinctione non necessaria
quæstionum *de jure, & de facto*, alterum
negarunt, vt concederent alterum : ne-
que in vlllo loco superbe magis se jacta-
runt, quam in isto. Hinc illæ voces
toties repetitæ, quibus misericordiam
popularem inouere tentarunt : quid
non vltro concessimus eorum, quæ me-
ritò postulari poterant à nobis? Dam-
natæ propositiones à Summo Pontifice,
damnamus, devovemusque diris omni-
bus : honesta oratio ; sed, opinor, pa-
rum verax & sincera. Nam si bona fide
damnatas propositiones proscribunt, cur
non explicant quam in sententiam eas
damnent, postquam præsertim variè il-
las accipi posse publico scripto ipsi pro-
fessi sunt?

Non enim ignoras, Rex optime, quam

fallax & ambigua sit, vt plurimum, omnis propositio vniversalis, quæ pro sua amplitudine flecti possit in omnem partem ad arbitrium dicentis. Sic per eam sensus confusionem conueniret Augustinum inter & Pelagium de necessitate gratiæ, de qua disputabant acerrimè, si gratia latè sumatur pro voluntate, intellectu, vel alia quauis facultate naturali, quemadmodum sumebat eam Pelagius. Sic de Christi præsentia in altari consentiens erit cum Arnaldo Minister Claudius, qui eam admittit quadruplicem: si non prius definiatur, de qua præsentia dogma Catholicum intelligatur. Sic Hæretici omnes nobiscum conspirabunt, ni controversæ inter nos propositiones reuocentur ad determinatam sententiam, ne sensus omnes induant, si vagæ sint & vniuersales.

Quapropter cuni propositiones ab Alexandro damnatæ sint in sensu per Iprensem usurpato, negentque Regioportuenses vllam earum apud illum esse mentionem: tantum abest, vt gloriari debeant conuenire se cum Pontifice de iusta earum Censura, iustoque sensu, in eoque

eoque morem gerere se Apostolicæ Sedis : ut ne vel recognoscant quidem ubi sint ; de quo prius erat conveniendum, ut de obsequij sui religione persuaderent. Quod cum minimè faciunt, desinant in eo jactare se tam splendide, cum revocent in controversiam sensum censuræ ipsius, quam recipere se profitentur. Quod autem tam pertinaciter rem totam referri velint ad oculorum iudicium, quorum fidem unam putant interrogari debere in eo negotio, obruantque scriptis lucem publicam, ut id probent : apparet nihil aliud eos spectare, quam ut servant integram simulationem, & susceptam personam bene ludant ; quod quam Christianum sit, aliorum esto iudicium.

Certè postulare iste locus aliquam orationis vehementiam, quam pro rei indignitate amplificanda desiderabunt in me Declamatores : at admonet me, Rex optime, reuerentia debita tuo Tribunali, non tam causæ à me consuli oportere, quam pudori meo ac modestiæ. Sed admirabilis illa juris & facti distinctio, tot sermonibus & commentarijs celebrata

C

per Conjuratos, locum dedit defectioni & contumaciæ quatuor Episcoporum, cujus fautor præcipuus fuit Episcopus Aletensis : qui cum propter sanctimoniam singularis opinionem, in qua tum erat, rogatus esset sententiam de controuersia quæ jactabatur ; postquam Summum Pontificem inter, ejusque gregem, medium se constituisset coram Deo, ut ipse per litteras profiteretur : respondit candidè parendum Pontifici : quæ causa fuit, cur tum per Regioportuenses vir judicij perexigui, mentisque perpusillæ diceretur. Verum postquam per eos blandius haberi cœpit, vir dici cælestis ac diuinus, proponi in exemplum Præsulibus cæteris, comparari cum supremis mentibus summa ejus perspicacitas ; facere non potuit ; quin succumberet ei fumo, quo per factiosos tam liberaliter incendebatur : rogatusque iterum sententiam de controversia, mutauit opinionem : & qui ne vel de dorso quidem viderat Augustinum Iprensensem, propositiones in eo contineri negat fidenter magis, quam pateretur ejus pudor ; & contra Majestatis tuæ, Religionisque

ipsius auctoritatem responderet non obtemperari, debere Romanæ Sedi : ita nimirum pro vili fumo prostituit fidem suam vir sanctissimus. Adeoque per vnum hominem laudum suarum quadam quasi fascinatione consopitum restituta factio, quam dissipare cœperat auctoritas tua.

Non dicam singillatim de tribus cæteris, quorum alter pro familia sua in Regio-portu, tanquam suo in prædio, conseruanda, non dubitat erudita recusatione negare obsequium Summo Pontifici : reliqui duo ne subire videantur temeritatis alicujus suspensionem, si mutant sententiam, vel displiceant fastidiosis Doctoribus, per quos reguntur, ipsi pudori renunciare parati sunt.

His nimirum præclaris artibus languorẽ dissipatæ factionis sustinent Conjurati, pro continuanda fabula quam luserunt ab initio tam feliciter : de quibus esset dicendum ad extremum, nisi fecissent sua scribendi intemperantia, ne non noti essent omnibus. Quamquam in tanta multitudine scriptorum, quibus fatigant Ciuitatem, vix aliquod opus me-

morari potest ex ea palæstra profectum, quod immortalitate dignum sit. Quid enim vel ingenij laude exquisitum, vel doctrina singulare, vel inventione præclarum meruit ei Scholæ admirationem nostræ ætatis? Quamvis eorum nonnulli, qui se forensibus ministerijs exercuerant, bonorum interpretum laudem adepti sint, quæ supra cæteros Scriptores patrij serinonis non mediocriter eminebant. Illud autem eratne tantum, ut eam obrem natos se putarent, ut suo splendore obruerent famam cæterorum: nam plura permittebant spei suæ, quam ratio ad modestiam composita pati posset.

Non hic exagitabo coram Te superbiam scriptorum Regioportuensium; qui grandes in sermone ac magnifici, quales describi solent in fabulis milites gloriosi, usque semper arrogantia verborum, per quam commendari solent apud imperitos causæ non bonæ, erigunt sibi trophæa de silentio bonorum omnium; qui tacere malunt quam committere se perditæ fronti istorum hominum: postquam compertum est factionem eam nulla re magis nobilitari cœ-

pisse quam maledicendi solertia & dexteritate, quæ laus magnam spectationem attulit partibus ijs. Nam postea factum ut in domo Regioportuensi conviciorum officina, cujusdam quasi mercimonij, pateret omnibus ad usus publicos. Si enim scribendum erat contra Rothomagensem Archiepiscopum pro Monialibus Nosocomij Pontæsiensis, si pro Regioportuensibus contra Parisiensem, si pro Richerij sectatoribus contra Summum Pontificem, currebatur ad Portum-Regium, unde prodibant plena plaustra conviciorum, ad explendam libidinem priuatorum: præclara signa Spiritus illi Evangelici, cujus buccinatores se tam splendide prædicabant. Quod fecit, cur Regina Mater cum præsslet rebus, tantopere abhorreret ab ijs partibus, neque induci potuerit unquam ut eos toleraret, quod plane furiosa maledicendi libidine noverat ardere factiosos, ut ipsa non semel declaravit.

Sed venit in animum plerisque, quomodo in tanto scribendi pruritu, quo tenebantur, dediticerant Latine scribere,

qui tam gravi supercilio laudem quærebant in literis : nisi ut appareret quantum per eos deferretur mulieribus , quæ dominabantur in eo grege: quas nisi spectassent admodum , nunquam renunciare voluissent ei linguæ , quæ naturalis est Romanæ Religioni , & doctrinæ quam affectabant. Erat quidem color aliquis latinitatis in Guillelmo V Vendrockio scriptore Germano , cujus operam conduxerant: nisi maledicendi studio paulò vehementiore, confarcinatis è Comico convicijs contaminasset orationem, & si scribendi congrue majorem curam servare voluisset.

Essem infinitus si persequi vellem artes cæteras Conjuratorum : certè non possum non mirari stuporem nostræ ætatis , quæ suum judicium , suam fidem , suamque Religionem tam stolidè circumveniri sinat per eos præstigiatores , apud quos palmam obtineat sola licentia maledicendi: per quam abuntuntur patientia Civitatis: dum tot historiarum repetitionibus tam odiosis chartas comaculant: & ubi Annato, Ameloto, cæterisque Religionis defensoribus serio

respondendum est; inani verborum strepitu tinniunt nescio quas pueriles nugas, quibus multitudinem detinent, & summa cum authoritate & elegancia nihil dicunt.

Sed ut revocem, Rex optime, filium orationis, unde deflexerat, vides ipse quam futile, nugatoriumque sit illud, in quo jactant se tam inaniter, pro obtinenda simulatae nescio cujus obedientiae laude; ultro profiteri se rectè damnatas propositiones, sed concedere non posse quod extent apud Augustinum Ipreensem. Nam quando dissimulationis istius pudere coeperit eos, negabunt quod fatentur, fatebuntur quod negant. Cum si in eorum sensa penetrare liceat, perspicuum sit eos sentire, quod senserunt per decennium, eas contineri in Iansenio, proindeque immeritò damnatas. Quæ dissimulantia vnum est jam Cornelianæ factionis tuendæ artificium, fabricatum per Architectos hujus conjurationis. Quod cum fucatæ pietatis nomine sustinere pergant per quatuor Episcopos, tuum est euertere machinam istam per legitimum de ijs judicium: ne

quod per fucum ita puerilem fecerunt
hactenus apud simplices & imperitos,
imponant sagacioribus, & perpetuitate
contentionis tam frivolæ illudere per-
gant publicæ tranquillitati, perdantque
Religionem: quæ tuta non esse potest,
quamdiu per rebellionem Præfulum
istorum constabit impunitas factioni.
Nam non cessabit controuersia, nisi le-
gitimum iudicium de tam gravi contu-
macia exerceatur.

Exposui breuiter, Rex Augustissime,
seriem conjurationis istius, artesque
omnes & consilia Conjuratorum. Tuæ
nunc prudentiæ est reputare tecum, an
per difficultatem quæstionis contra no-
centes exercendæ negligenda sit ista fa-
ctio, quæ jam non tam causæ suæ con-
ditione, quam pertinacia Conjuratorum
contra leges tuas se defendit. Vide quam
parum gloriose consuleres vel laudi
tuæ, vel populorum securitati; si per
languorem istius negotij morositas trium
vel quatuor hominum facere posset, vt
nihil ratum esset eorum omnium, quæ
tam sapienter per te constituta sunt tot
iudicijs contra factiosos. Quid enim
esset

esset futurum, si postquam vel felicitationis tuæ, vel votorum de Te nostrorum plenitudini nihil defuit hætenus, ut tui nominis admiratione repleres orbem terrarum vniuersum, desiderari sineres id vnum, quod communi bonorum omnium spe à Te flagitur, ut supremam manum ei negotio admoveas: ne post tot res tam præclare gestas, pro Imperij tui magnitudine, retardent gloriæ tuæ cursum dissipatæ propemodum factionis conatus extremi, languentesque spiritus, quos de paucularum Monialium obstinatione, defectioneque quatuor Episcoporum colligere potuit solertia factionis. Neque te moveant clamores Conjuratorum, qui longitudine scriptorum perodiosa persuadere volunt quæstionem exerceri non posse contra Præsules, qui parere detrectant Summo Pontifici.

Nam si dignitas Episcopalis extra omnem iudiciorum aleam constitueretur, quæ securitas esse posset Religioni in eo Regno, in quo per ejus ordinis impunitatem, campus pateret apertissimus, vnde Castillionæorum, Spisamio-

D

rum , Monluciorum , cæterorumque
 Præſulum , qui favebant Hæreſi ſu-
 periori ætate , miſeranda tempora re-
 vivifcere poſſent. Defende , magne
 Rex , Aras & Tempſa à periculo
 tam imminenti. Boni omnes , qui pie-
 tatem ſine fuco colunt , implorant
 opem dextræ illius tuæ , cui fatale eſt
 exarmare rebellionem. Tendit ad te
 afflicta Religio manus ſupplices eaſdem,
 quas pro Imperij tui conſervatione , co-
 ram immortalī Deo quotidie pro aris
 tendere conſuevit. Cave ne parum æ-
 quum ſit ejus obſecrationem repudia-
 re Te , cujus preces & vota pro tua
 ſalute ſi Deus aſpernaretur , beatus &
 incolumis eſſe minimè poſſes. Charior
 tibi ſit gloria Religionis tuendæ , quam
 Conjuratis , & malè animatis omnibus
 cupiditas colligendæ per eam novita-
 tem , quam prædicant , exiſtimationis.
 Vidimus tuo vel nutu ſublata nuper in
 urbe latrocinia , ſingularium certami-
 um ferocitatem extinctam , cædes re-
 preſſas , reſtituta judicia , licentiam lu-
 us refrænata , omneſque Regni partes
 mendatas : & poſt tot legum ſanctio-